



Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 46. Mors Cardinalis Rossii, seu de Rubeis

[urn:nbn:de:hbz:466:1-66414](#)

Secul. XVI Angleria eidem Oceaneæ Decadis librum
A.C. 1519. quintum & sextum, necnon carmen in
 obitu Regis Catholici a se compositum
 nuncupavit.

§. XLVI.
*Mors Cardinalis Rossi, seu de
 Rubeis.*

*Ciacon. in
 Leon. X.*

p. 389

Garinib. l. 7.

Quartus denique ac postremus erat Alloysius Rossius, seu de Rubeis, Florentinus ex Patre Leonecto equite nobili & clarissimo cive, ac ex Leonis X. Pontificis maximi Sorore natus Anno Domini millesimo quadringentesimo septuagesimo quarto. A puero sub Leonis Papæ cura educatus, in literarum studiis a celeribus omnino Magistris eruditus est; ac summo Pontifici apprime carus fuit ob singularem ejus in rebus gerendis dexteritatem: unde etiam Rossius ex gratitudinis debito tam in adversis quam in prosperis fidissimus Papæ comes exstitit; horumque meritorum suffragio ab eodem Leone ad supremos Ecclesiæ apices evecto sub annum Christi millesimum quingentesimum decimum septimum Cardinalis tit. S. Clementis renunciatus est. Exiguo post adeptam purpuram tempore vixit; extremum enim diem clausit Romæ in Apostolico Palatio die vigesima Julii Anno Incarnationis

tionis Dominicæ millesimo quingentesi- ^{Sæc. XV}
mo decimo nono, cum annum ageret A.C. 1519.
nonnisi quadragesimum quintum. Fe-
runt, ipsummet mortis suæ caussam ex-
stuisse, cum quodam remedio po-
dagræ dolores depellere tentaret. Se-
pultus est sine ullo funebri pompa in Ba-
silica S. Petri cum quadam inscriptione
ab ipso Pontifice posita: Demum vero
corpus ejus Florentiam translatum, & in
Ecclesia S. Felicis in magnifico tumulo
marmoreo conditum est. Hic Cardina-
lis ad vitia proclivis, imo etiam impudi-
citiæ immortuus a nonnullis dicitur (*).

§.XLVII.

(*) Ita Garibertus, cui & summos Pon-
tifices & Cardinales sæpe injustis maledictis o-
nerare, satis solemne esse, optime notavit P.
Oldoinus in Ciacon. tom. 3. fol. 345, additque
fol. 389. in vita Cardinalis Rosii: *In hunc alio-*
qui virum præstantissimum, satyrico potius sty-
lo & sine caussa inventus est Garibertus, eun-
demque uti ad vitia plura proclivem atque im-
pudicitia notatum usque ad obitum vulgavit,
quem tamen virum ingenii perspicacitate, acuti-
judicii, & in omnibus liberali Florentina mo-
numenta testantur.